

ZAPISNIK

IV. sastanka organizacije komiteta III. festivala amaterskog filma Jugoslavije, koji je održan dne 19. maja 1955.god. u prostorijama Kinokluba Zagreb, Britanski trg 12. Sastanak je počeo u 21.00 sati.

Sastanku prisustvuju članovi organizacionog komiteta i članovi Uprave Kinokluba Zagreb.

Dnevni red:

1. Pitanje pokroviteljstva III. festivala amaterskog filma Jugoslavije.
2. Počasne nagrade.
3. Žiri
4. Konačna redakcija prijedloga propozicija III. festivala amaterskog filma Jugoslavije.

U vezi s točkom 1. dnevnog reda organizacioni komitet je izvješten o najavljenom prijemu kod predsjednika Sabora druga Bakarića, na kojem će se prijemu zamoliti za njegovo pokroviteljstvo nad festivalom. Delegacija, koja će posjetiti druga Bakarića biti će naknadno sastavljena.

Druga točka dnevnog reda tretirana je zajedno s prvom, jer se predviđa da počasne nagrade za najuspješniju organizaciju /klub/ i najuspješnijeg pojedinca budu pokloni druga Tita i Bakarića. Zamolit će se druga Bakarića da, ukoliko se prihvati pokroviteljstva, on direktno zamoli druga Tita za pehar za najuspješniju organizaciju.

Suglasnost članova žirija iz Hrvatske, još nije dobivena od drugova Hadžića i Sremca, koji se nalaze na putu u inozemstvu. Drug Oktavijan Miletić dao je svoj pristanak za rad u žiriju festivala. Zaključeno je da se prijedlog za druga Hadžića i Sremca pošalje u Beograd i bez njihovog pristanka, i da se onda njih naknadno o tome obavjesti.

Zatim je organizacioni komitet po četvrti puta razradio cijele propozicije i došao do zaključka da predloženi nacrt predstavlja najbolji oblik propozicija u kojima su jednako osigurani uspjeh i ugled festivala, kao i interesi pojedinih takmičara i organizacije kinoamatera u cjelini. Takodjer je jednoglasno zaključeno da su podaci sadržani u prijavnicama za film i autora neizbježno potrebni za pravilnu organizaciju i efikasnu propagandu festivala i da prijavnice treba štampati u predloženom obliku kao formular za ispunjavanje.

Organizacioni komitet je zatim razradio skicu za znak festivala, zatim izgled propozicija /štampanje/, izgled diplome i konačno, izgled plaketa.

23. V.1955.god. postavljen je kao rok za otvaranje tekućeg računa kod Gradske štedionice.

Sastanak je završen u 23.30 sati.
Završeno.

Tajnik
organizacionog komiteta: